



Planning Inspectorate Arolygiaeth Gynllunio

Yr Arolygiaeth Gynllunio
d/o QUADIENT
69 Buckingham Avenue
Slough
SL1 4PN

Gwasanaethau
Cwsmeriaid: 0303 444 5000
e-bost: [connahsquay@
planninginspectorate.gov.uk](mailto:connahsquay@planninginspectorate.gov.uk)

Yr holl bartïon â buddiant, partïon statudol
ac unrhyw unigolyn arall a wahoddwyd i'r
cyfarfod rhagarweiniol

Eich Cyf:

Ein Cyf: EN010166

Dyddiad: 20 Ionawr 2026

Annwyl Syr/ Fadarn

Deddf Cynllunio 2008 – Adran 89 a Rheolau Cynllunio Seilwaith (Gweithdrefn Archwilio) 2010 – rheol 8, 9 ac 13

Cais gan Uniper UK am orchymyn yn rhoi cydsyniad datblygu ar gyfer Prosiect Pŵer Carbon Isel Cei Connah (EN010166)

Amserlen a gweithdrefn yr archwiliad ac hysbysiad ynghylch gwrandawiadau

Mae'r llythyr hwn (y Llythyr Rheol 8) yn rhoi gwybodaeth bwysig am yr archwiliad o'r cais
hwn. Mae'r llythyr yn cynnwys:

- Amserlen yr archwiliad
- Gwahoddiad i gyflwyno sylwadau ysgrifenedig
- Cais am ddatganiadau tir cyffredin
- Cais am adroddiadau ar yr effaith leol gan awdurdodau lleol
- Penderfyniadau gweithdrefnol eraill a wnaed gan yr Awdurdod Archwilio (ExA)
- Hysbysiad ynghylch gwrandawiadau
- Gwybodaeth am wrandawiadau a archwiliadau safle
- Gwybodaeth am argaeledd dogfennau'r archwiliad
- Arweiniad ar ddefnyddio'r tab 'Lleisio'ch barn' ar dudalen we'r prosiect

Gellir gweld yr holl ddogfennau sy'n gysylltiedig â'r archwiliad hwn, gan gynnwys nodyn o'r
cyfarfod rhagarweiniol a'r recordiad o'r cyfarfod hwnnw, o dan y [tab dogfennau](#) ar dudalen

we'r prosiect ar y wefan Dod o Hyd i Brosiect Seilwaith Cenedlaethol ([tudalen we'r prosiect](#)).

Amserlen yr archwiliad

Rwyf wedi gwneud penderfyniad gweithdrefnol am y ffordd y bydd y cais yn cael ei archwilio. Atodir amserlen derfynol yr archwiliad yn **atodiad A** i'r llythyr hwn.

Mae amserlen yr archwiliad yn disodli'r amserlen archwilio ddrafft a gynhwyswyd yn fy llythyr [Rheol 6](#). Wrth gwblhau amserlen yr archwiliad yn derfynol, rwyf wedi ceisio bodloni ceisiadau ac awgrymiadau a wnaed ar lafar yn y cyfarfod rhagarweiniol neu a gyflwynwyd iddo'n ysgrifenedig. Rhestrir y prif newidiadau a wnaed i'r amserlen archwilio ddrafft yn **atodiad B** i'r llythyr hwn.

Sylwch fod amserlen yr archwiliad yn cynnwys nifer o derfynau amser ar gyfer derbyn gwybodaeth gan yr Arolygiaeth Gynllunio. Mae pob terfyn amser ar 23:59 ar y dyddiad a nodir. Gwnewch yn siŵr fod cyflwyniadau'n cyrraedd erbyn y terfyn amser. Os na fyddwch yn gwneud eich cyflwyniadau erbyn y dyddiadau a nodir yn yr amserlen, mae'n bosibl y byddaf yn eu diystyru.

Gofynnaf i bob parti â buddiant wneud eu cyflwyniadau gan ddefnyddio'r [dudalen 'Lleisio'ch barn'](#) ar [dudalen we'r prosiect](#) ar y dyddiad cau perthnasol neu cyn hynny. Mae **Atodiad E** i'r llythyr hwn yn rhoi rhagor o wybodaeth am ddefnyddio'r dudalen 'Lleisio'ch barn'.

Os byddaf yn credu bod angen amrywio amserlen yr archwiliad yn ystod yr archwiliad, anfonir hysbysiad at bartïon â buddiant, partiön statudol ac unigolion eraill a wahoddwyd i'r cyfarfod rhagarweiniol. Bydd y newidiadau hyn yn cael eu cyhoeddi ar [dudalen we'r prosiect](#).

Sylwadau ysgrifenedig

Gwahoddir yr holl bartïon â buddiant bellach i gyflwyno sylwadau ysgrifenedig ac unrhyw ymatebion i'r sylwadau perthnasol sydd eisoes wedi'u cyflwyno. Dylid cyflwyno'r rhain erbyn **dyddiad cau 1 (27 Ionawr 2026)** yn amserlen yr archwiliad.

Gall sylwadau ysgrifenedig ymdrin ag unrhyw fater perthnasol ac nid ydynt yn gyfyngedig i'r materion a amlinellwyd yn fy asesiad cychwynnol o'r prif faterion (gweler atodiad C i'r llythyr [Rheol 6](#)).

Mae'n rhaid i unrhyw unigolyn, heblaw am yr ymgeisydd, sy'n cyflwyno sylw ysgrifenedig amlygu'r rhannau o'r cais y mae'n cytuno â nhw a'r rhannau nad yw'n cytuno â nhw, gan esbonio'r rhesymau pam. Wrth gyflwyno eu sylwadau ysgrifenedig, dylai partiön â buddiant hefyd ddarparu unrhyw ddata, methodoleg a thybiaethau a ddefnyddiwyd i gefnogi eu cyflwyniadau er mwyn osgoi oedi yn yr archwiliad (gweler paragraff 009 [arweiniad y llywodraeth ar y cam archwilio ar gyfer Prosiectau Seilwaith o Arwyddocâd Cenedlaethol](#) i gael rhagor o wybodaeth am sylwadau ysgrifenedig).

Rwyf wedi gofyn am gyflwyniadau ysgrifenedig o fathau eraill ar adegau amrywiol yn yr archwiliad (gweler **atodiad A**).

Dylid cyflwyno crynodeb hefyd gydag unrhyw sylwadau ysgrifenedig ac unrhyw gyflwyniadau ysgrifenedig ychwanegol y gofynnir amdanynt yn ystod yr archwiliad sy'n fwy na 1500 o eiriau. Ni ddylai'r crynodeb fod yn fwy na 10% o'r testun gwreiddiol. Fe ddylai amlinellu ffeithiau allweddol y cyflwyniad ysgrifenedig ac mae'n rhaid iddo fod yn gynrychioliadol o'r cyflwyniad a wnaed.

Mae'n rhaid i sylwadau **beidio â chynnwys hyperddolenni** i ddogfennau/ tystiolaeth a gynhelir ar wefan trydydd parti. Gweler nodyn cyngor yr Arolygiaeth Gynllunio [Cyngor i aelodau'r cyhoedd: Cyngor ar gyflwyno sylwadau](#) i gael gwybodaeth bwysig am wneud cyflwyniadau ysgrifenedig.

Penderfyniadau gweithdrefnol eraill a wnaed gan yr Awdurdod Archwilio

Mae **atodiad B** i'r llythyr hwn yn cynnwys manylion pwysig ac eglurhad ynglŷn â phenderfyniadau gweithdrefnol eraill a wnaed gennyf yn y cyfarfod rhagarweiniol neu ar ei ôl. Mae'r rhain yn cynnwys:

- Amserlen yr archwiliad
- Datganiadau tir cyffredin (SoCG)
- Adroddiadau ar yr effaith leol (LIR)
- Newidiadau i fuddiannau tir
- Statws Dogfennau Archwiliad yr Ymgeisydd
- Cyflwyniadau ychwanegol

Fformat digwyddiadau'r archwiliad

Bydd digwyddiadau cyfunol (rhannol wyneb yn wyneb a rhannol rithwir) a digwyddiadau cwbl rithwir yn ffurfio rhan o'r model gweithredu. Byddaf yn aros yn hyblyg ac yn cadarnhau fformat unrhyw wrandawiadau pan fyddaf yn rhoi hysbysiad ffurfiol ynghylch pob gwrandawriad cyn iddo ddigwydd.

Hysbysiad ynghylch gwrandawiadau

Bydd yr archwiliad o'r cais yn broses ysgrifenedig yn bennaf a ategir gan wrandawiadau o fathau amrywiol, pan fydd angen. Gweler nodyn cyngor yr Arolygiaeth Gynllunio [Cyngor i aelodau'r cyhoedd: Camau'r broses NSIP a sut gallwch leisio'ch barn](#) i gael rhagor o wybodaeth.

Mae cyngor yr Arolygiaeth Gynllunio i aelodau'r cyhoedd yn rhoi gwybodaeth bwysig am weithdrefnau gwrandawriad, hefyd:

- [Beth i'w ddisgwyl mewn digwyddiad Prosiect Seilwaith o Arwyddocâd Cenedlaethol](#)

- [Cofrestru i siarad mewn digwyddiad Prosiect Seilwaith o Arwyddocâd Cenedlaethol, neu ei fynychu](#)

Rwyf wedi gwneud penderfyniad gweithdrefnol i gynnal y gwrandawiadau canlynol:

- Gwrandawriad mater penodol 3 (ISH3) ar Ansawdd Aer, Ecoleg, Amgylchedd Dŵr a Risg Llifogydd ar 17 Mawrth 2026 (digwyddiad cyfunol)
- Gwrandawriad llawr agored 1 (OFH3) ar 17 Mawrth 2026 (digwyddiad cyfunol)
- Gwrandawriad mater penodol 4 (ISH4) ar Tirlun a Melysedd Weledol; a Newid Hinsawdd ar 18 Mawrth 2026 (digwyddiad cyfunol)
- Gwrandawriad caffael gorfodol 3 (CAH3) ar 18 Mawrth 2026 (digwyddiad cyfunol)

Mae **atodiad C** yn rhoi manylion ynglŷn â'r hyn y dylai partïon â buddiant ei gynnwys mewn cais i gael eu clywed mewn gwrandawriad, a'r weithdrefn a ddilynir mewn gwrandawiadau.

Mae'n rhaid i chi gofrestru trwy lenwi'r [ffurflen cymryd rhan mewn digwyddiad](#) erbyn 10 Mawrth 2026 os ydych yn bwriadu cymryd rhan yn unrhyw un o'r gwrandawiadau a darparu'r holl wybodaeth y gofynnir amdani yn atodiad C i'r llythyr hwn.

Os ydych eisiau arsylwi unrhyw un o'r gwrandawiadau yn unig, nid oes angen i chi gofrestru oherwydd byddwch yn gallu naill ai:

1. mynd i'r digwyddiad ei hun i arsylwi'r trafodion
2. gwyllo ffrwd fyw o'r digwyddiad – bydd dolen i'r ffrwd fyw ar gael ar [dudalen we'r prosiect](#) yn fuan cyn y trefnwyd i'r digwyddiad ddechrau

Fel arall, gallwch ddod i'r digwyddiad yn y lleoliad i arsylwi'r trafodion; fodd bynnag, er mwyn sicrhau bod digon o seddau ar gael yn y lleoliad, gofynnwn i chi gofrestru'ch bwriad i fynychu er mwyn **arsylwi yn unig** erbyn **10 Mawrth 2026** gan ddefnyddio'r [ffurflen cymryd rhan mewn digwyddiad](#). Sylwer efallai na fydd modd cymryd rhan ar y diwrnod os nad ydych wedi cofrestru'ch dymuniad i siarad erbyn **10 Mawrth 2026**.

Sylwch, drwy fynychu'r digwyddiad wyneb yn wyneb neu ar-lein, byddwch yn cytuno i gael eich ffilmio at ddibenion y ffrwd fyw ar-lein o'r digwyddiad a'r recordiad o'r digwyddiad a fydd yn cael ei gyhoeddi ar [dudalen we'r prosiect](#). Bydd nifer gyfyngedig o seddau ar gael i arsylwyr nad ydynt yn dymuno cael eu ffilmio yn y digwyddiad. Cysylltwch â Thîm yr Achos i roi gwybod iddynt os byddai'n well gennych beidio â chael eich ffilmio yn y digwyddiad. Bydd trawsgrifiad o'r digwyddiad yn cael ei gyhoeddi ar [dudalen we'r prosiect](#) ar ôl y digwyddiad.

Gwrandawiadau ac archwiliadau safle

Bydd yr archwiliad o'r cais yn broses ysgrifenedig yn bennaf a ategir gan wrandawiadau o fathau amrywiol, pan fydd angen. Gweler nodyn cyngor yr Arolygiaeth Gynllunio [Cyngor i](#)

[aelodau'r cyhoedd: Camau'r broses NSIP a sut gallwch leisio'ch barn](#) i gael rhagor o wybodaeth.

Mae cyngor yr Arolygiaeth Gynllunio i aelodau'r cyhoedd yn rhoi gwybodaeth bwysig am weithdrefnau gwrandawriad, hefyd:

- [Beth i'w ddisgwyl mewn digwyddiad Prosiect Seilwaith o Arwyddocâd Cenedlaethol](#)
- [Cofrestru i siarad mewn digwyddiad Prosiect Seilwaith o Arwyddocâd Cenedlaethol, neu ei fynychu](#)

Ar y sail hon, mae amserlen yr archwiliad yn **atodiad A** i'r llythyr hwn yn cynnwys cyfnodau a neilltuwyd ar gyfer unrhyw wrandawiadau sydd i'w cynnal, a byddaf yn hysbysu'r holl bartïon â buddiant am unrhyw wrandawiadau a drefnwyd yn rhan o'r archwiliad cyn iddynt ddigwydd. Bydd yr hysbysiad hwnnw'n cynnwys dyddiad cau i bartïon â buddiant roi gwybod i'r Arolygiaeth Gynllunio a ydynt eisiau cymryd rhan yn y gwrandawriad(au) yr hysbyswyd amdano/amdanynt.

Byddaf hefyd yn cynnal archwiliadau safle. Pan fyddaf yn gallu gweld y safle o dir cyhoeddus, byddaf yn debygol o wneud hyn yn ddigwmni a bydd nodyn o'r archwiliad safle'n cael ei gyhoeddi ar dudalen we'r prosiect. Byddaf yn ystyried pob lleoliad a awgrymwyd, i benderfynu a ellid ei weld o dir cyhoeddus yn ddigwmni neu a oes angen ei weld gyda chwmni. Byddaf hefyd yn ystyried a fyddai'n briodol gwneud trefniadau i ddarparu mynediad yn unig i safleoedd penodol fel y gellid eu harchwilio yn rhan o archwiliad safle digwmni ar sail angen mynediad.

Mae **atodiad C** yn rhoi manylion ynglŷn â'r hyn y dylai partïon â buddiant ei gynnwys mewn cais i gael eu clywed mewn gwrandawriad, a'r weithdrefn a ddilynir mewn gwrandawriadau. Mae hefyd yn rhoi gwybodaeth bwysig am yr archwiliad safle gyda chwmni a bod yn bresennol yn yr archwiliad.

Rheoli gohebiaeth yr archwiliad

O ystyried faint o lythyrau y mae angen i'r Arolygiaeth Gynllunio eu hanfon at bartïon â buddiant yn ystod archwiliad, a pha mor aml y mae angen eu hanfon, ceisiwn gyfathrebu â phobl drwy e-bost gan fod cyfathrebu electronig yn fwy ecogyfeillgar a chost effeithiol i drethdalwyr.

Os ydych wedi cael llythyr gan yr Arolygiaeth Gynllunio ond rydych yn gallu derbyn gohebiaeth drwy e-bost, rhowch wybod i Dîm yr Achos gan ddefnyddio'r manylion cyswllt ar frig y llythyr hwn cyn gynted â phosibl.

Gan fod y broses archwilio'n gwneud defnydd helaeth o ddogfennau electronig, bydd yn ddefnyddiol i chi ymgyswllt â [thudalen we'r prosiect](#).

Mae [tudalen 'Lleisio'ch barn'](#) ar gael ar y wefan sy'n darparu porth y dylai partïon ei ddefnyddio i wneud cyflwyniadau ysgrifenedig erbyn dyddiadau cau perthnasol yn ystod yr archwiliad. Rhoddir rhagor o wybodaeth am y dudalen 'Lleisio'ch barn' yn **atodiad E** i'r llythyr hwn.

Gallwch hefyd ddefnyddio'r botwm 'Cael diweddariadau' ar dudalen we'r prosiect i gofrestru i gael diweddariadau e-bost awtomatig ar gamau allweddol yn ystod yr archwiliad.

Y Gymraeg

Rydym yn croesawu cyfraniadau yn Gymraeg yn ystod yr archwiliad. Bydd cyfleusterau cyfieithu ar gael yn y cyfarfod rhagarweiniol, ac mewn unrhyw wrandawiadau a gynhelir, i ganiatáu i'r rhai sy'n bresennol wneud cyfraniadau yn Gymraeg, os ydynt eisiau.

Eich statws yn yr archwiliad

Rydych wedi derbyn y llythyr hwn oherwydd eich bod yn unigolyn neu'n sefydliad sy'n ymwneud â'r broses Prosiectau Seilwaith o Arwyddocâd Cenedlaethol (NSIP). Gweler nodyn cyngor yr Arolygiaeth Gynllunio [Cyngor i aelodau'r cyhoedd: Prosiectau Seilwaith o Arwyddocâd Cenedlaethol a'r bobl a'r sefydliadau sy'n ymwneud â'r broses](#) i gael rhagor o fanylion.

Os ydych yn dal i fod yn ansicr ynglŷn â sut rydych yn ymwneud â'r broses ar ôl darllen y cyngor, cysylltwch â Thîm yr Achos gan ddefnyddio'r manylion ar frig y llythyr hwn.

Dyfarnu costau

Disgwylir i'r holl bartïon dalu eu costau eu hunain, fel arfer. Gellir dyfarnu costau yn erbyn parti sydd wedi gweithredu'n afresymol ac achosi i'r parti sy'n gwneud cais am ddyfarnu costau fynd i draul ddiangen neu wastraff yn ystod yr archwiliad. Dylech fod yn ymwybodol o'r arweiniad perthnasol ar gostau [Dyfarnu costau: archwiliadau o geisiadau am orchmynon cydsyniad datblygu](#).

Rheoli gwybodaeth

Bydd gwybodaeth, gan gynnwys sylwadau, a gyflwynwyd ynglŷn â'r archwiliad hwn (os cânt eu derbyn gan yr Awdurdod Archwilio) a chofnod o unrhyw gyngor a roddwyd gan yr Arolygiaeth Gynllunio yn cael eu cyhoeddi ar [dudalen we'r prosiect](#).

Sylwch y bydd angen cyhoeddi rhywfaint o wybodaeth bersonol er mwyn hwyluso archwiliad effeithiol a theg. I gael gwybod sut rydym yn trin eich gwybodaeth bersonol, darllenwch ein [Hysbysiad Preifatrwydd](#).

Edrychaf ymlaen at weithio gyda'r holl bartïon wrth archwilio'r cais hwn.

Yn gywir

Nick Ely

Yr Awdurdod Archwilio

Atodiadau

- A** Amserlen yr archwiliad
- B** Penderfyniadau gweithdrefnol eraill a wnaed gan yr Awdurdod Archwilio
- C** Hysbysiad ynghylch gwrandawiadau a cheisiadau i gymryd rhan
- D** Dogfennau'r archwiliad
- E** Gwybodaeth am y tab 'Lleisio'ch barn'

Nid yw'r llythyr hwn yn gyfystyr â chyngor cyfreithiol.
Darllenwch ein [Hysbysiad Preifatrwydd](#) cyn anfon gwybodaeth at yr Arolygiaeth Gynllunio.

Amserlen Archwilio

Mae'n ddyletswydd ar yr Awdurdod Archwilio (ExA) i **gwblhau'r** archwiliad o'r cais erbyn diwedd y cyfnod o 6 mis sy'n dechrau'r diwrnod ar ôl i'r cyfarfod rhagarweiniol orffen. **Fodd bynnag, fe allai'r ExA benderfynu cau'r archwiliad yn gynharach ac ar y dyddiad a bennir yn yr amserlen os yw'n credu bod y cais a'r materion perthnasol wedi cael eu harchwilio'n ddigonol.**

Bydd y cais yn cael ei archwilio'n bennaf trwy ystyried cyflwyniadau ysgrifenedig. Bydd yr ExA hefyd yn ystyried unrhyw sylwadau llafar a wnaed mewn gwrandawliadau.

Eitem	Materion	Dyddiad
1.	Dyddiad cau gweithdrefnol A Dyddiad cau i'r ExA dderbyn: - cyflwyniadau ysgrifenedig ar y weithdrefn archwilio, gan gynnwys unrhyw gyflwyniadau ynglŷn â defnyddio dulliau rhithwir - ceisiadau i siarad yn y cyfarfod rhagarweiniol - ceisiadau i siarad yng ngwrandawriad mater penodol 1 (ISH1) ynglŷn â'r Gorchymyn Cydsyniad Datblygu drafft ac egwyddorion cyffredinol y datblygiad arfaethedig - ceisiadau i siarad yng ngwrandawriad mater penodol 2 (ISH2) ynglŷn ag Ecoleg, Traffig a Thrafnidiaeth - lleoliadau awgrymedig ar gyfer archwiliadau safle (gyda chwmni neu ddigwmni), gan gynnwys cyfiawnhad, i'w hystyried gan yr ExA	Dydd Mawrth 30 Rhagfyr 2025
2.	Cyfarfod rhagarweiniol	Dydd Mawrth 13 Ionawr 2026 10:00 o'r gloch
3.	Gwrandawriad Mater Penodol 1 (ISH1) ynglŷn â'r Gorchymyn Cydsyniad Datblygu drafft ac egwyddorion cyffredinol y datblygiad arfaethedig	Dydd Mawrth 13 Ionawr 2026 14:00 o'r gloch
4.	Gwrandawriad Mater Penodol 2 (ISH2) ynglŷn ag Ecoleg, Traffig a Thrafnidiaeth	Dydd Mercher 14 Ionawr 2026 10:00 o'r gloch

5.	Cyhoeddi'r canlynol gan yr ExA: • yr amserlen archwilio	Cyn gynted ag y bo'n ymarferol ar ôl y Cyfarfod Rhagarweiniol
6.	Dyddiad Cau 1 Dyddiad cau i'r ExA dderbyn: • sylwadau ar sylwadau perthnasol (RR) • crynodeb o bob RR sy'n fwy na 1500 o eiriau • datganiadau ysgrifenedig gan bartïon â diddordeb a chrynodebau o unrhyw rai sy'n fwy na 1500 o eiriau. • cyflwyniadau ôl-wrandawriad, sy'n cynnwys crynodebau ysgrifenedig o gyflwyniadau llafar ac ymatebion i gyflwyniadau llafar y gofynnwyd amdanynt gan yr ExA • Datganiadau Tir Cyffredin (SoCG) cychwynnol gyda'r partïon a restrir yn atodiad B • Datganiad Cyffredinrwydd cychwynnol ar gyfer pob SoCG • dogfennau'r ymgeisydd wedi'u diweddarau – fersiynau glân a fersiynau sy'n dangos newidiadau wedi'u tracio ers y fersiwn ddiwethaf a gyflwynwyd: ○ Canllaw i'r Cais ○ Mynegai Cais Electronig ○ Gorchymyn Cydsyniad Datblygu drafft ○ Memorandwm Esboniadol ○ Datganiad o'r Sefyllfa mewn perthynas â Chydsyniadau a Chytundebau ○ Llyfr Cyfeirio ○ Traciwr Trafodaethau Tir a Hawliau ○ Datganiad o'r Rhesymau ○ Rhestr Trafodaethau a Phwerau a Geisir • ceisiadau i siarad mewn gwrandawriadau yr hysbyswyd amdanynt a restrir yn atodiad C • ceisiadau i siarad mewn gwrandawriad llawr agored (OFH) • ceisiadau i siarad mewn Gwrandawriad Caffael Gorfodol (CAH)	Dydd Mawrth 27 Ionawr 2026

	• unrhyw wybodaeth ychwanegol y gofynnwyd amdani gan yr ExA o dan reol 17 Rheolau Cynllunio Seilwaith (Gweithdrefn Archwilio) 2010 • sylwadau ar unrhyw wybodaeth/ cyflwyniadau ychwanegol a dderbyniwyd gan yr ExA	
7.	Dyddiad Cau 2 Dyddiad cau i'r ExA dderbyn: • sylwadau ar unrhyw gyflwyniadau a dderbyniwyd erbyn Dyddiad Cau 1. • Adroddiadau ar yr Effaith Leol (LIR) gan awdurdodau cynllunio lleol perthnasol • unrhyw wybodaeth ychwanegol y gofynnwyd amdani gan yr ExA o dan reol 17 Rheolau Cynllunio Seilwaith (Gweithdrefn Archwilio) 2010	Dydd Mawrth 10 Chwefror 2026
8.	Cyhoeddi'r canlynol gan yr ExA: • cwestiynau ysgrifenedig cyntaf yr ExA (ExQ1)	Dydd Mawrth 17 Chwefror 2026
9.	Dyddiad Cau 3 Dyddiad cau i'r ExA dderbyn: • sylwadau ar unrhyw gyflwyniadau a dderbyniwyd erbyn Dyddiad Cau 2 • ymatebion i Gwestiynau Ysgrifenedig Cyntaf yr ExA (ExQ1) • SoCGau wedi'u diweddarau gyda'r partïon a restrir yn atodiad F – fersiwn lân a fersiwn tracio newidiadau • Datganiad Cyffredinrwydd wedi'i ddiweddarau ar gyfer pob SoCG – fersiwn lân a fersiwn tracio newidiadau • dogfennau'r ymgeisydd wedi'u diweddarau – fersiwn lân a fersiwn sy'n dangos newidiadau wedi'u tracio ers y fersiwn ddiwethaf a gyflwynwyd: ○ Canllaw i'r Cais ○ Mynegai Cais Electronig ○ Gorchymyn Cydsyniad Datblygu drafft ○ Memorandwm Esboniadol ○ Datganiad o'r Sefyllfa mewn perthynas â Chydsyniadau a Chytundebau ○ Llyfr Cyfeirio	Dydd Mawrth 10 Mawrth 2026

	○ Traciwr Trafodaethau Tir a Hawliau ○ Datganiad o'r Rhesymau ○ Rhestr Trafodaethau a Phwerau a Geisir • sylwadau ar LIRau • unrhyw wybodaeth ychwanegol y gofynnwyd amdani gan yr ExA o dan Reol 17 Rheolau Cynllunio Seilwaith (Gweithdrefn Archwilio) 2010	
10.	Amser wedi'i neilltuo ar gyfer gwrandawiadau • gwrandawriad mater penodol (ISH3) ynghylch Ansawdd Aer, Ecoleg, Amgylchedd Dŵr a Risg Llifogydd • gwrandawriad mater penodol (ISH4) ynghylch Tirlun a Hwylustod Gweledol; ac Newid Hinsawdd • gwrandawriad caffael gorfodol 1 (CAH1) • gwrandawriad llawr agored (OFH1)	Yr wythnos sy'n cychwyn 16 Mawrth 2026
11.	Dyddiad Cau 4 • sylwadau ar unrhyw gyflwyniadau a dderbyniwyd erbyn Dyddiad Cau 3. • cyflwyniadau ôl-wrandawriad, gan gynnwys crynodebau ysgrifenedig o gyflwyniadau llafar ac unrhyw ddogfennau y gofynnwyd amdanynt gan yr ExA • SoCGau wedi'u diweddarau gyda'r partion a restrir yn atodiad F – fersiwn lân a fersiwn tracio newidiadau • Datganiad Cyffredinrwydd wedi'i ddiweddarau ar gyfer pob SoCG – fersiwn lân a fersiwn tracio newidiadau • Dogfennau'r Ymgeisydd wedi'u diweddarau – fersiwn lân a fersiwn sy'n dangos newidiadau wedi'u tracio ers y fersiwn ddiwethaf a gyflwynwyd: ○ Canllaw i'r Cais ○ Mynegai Cais Electronig ○ Gorchymyn Cydsyniad Datblygu drafft ○ Memorandwm Esboniadol ○ Datganiad o'r Sefyllfa mewn perthynas â Chydsyniadau a Chytundebau ○ Llyfr Cyfeirio ○ Traciwr Trafodaethau Tir a Hawliau	Dydd Mawrth 31 Mawrth 2026

	○ Datganiad o'r Rhesymau ○ Rhestr Trafodaethau a Phwerau a Geisir • unrhyw wybodaeth ychwanegol y gofynnwyd amdani gan yr ExA o dan Reol 17 Rheolau Cynllunio Seilwaith (Gweithdrefn Archwilio) 2010	
12.	Dyddiad Cau 5 • sylwadau ar unrhyw gyflwyniadau a dderbyniwyd erbyn Dyddiad Cau 4 • SoCGau wedi'u diweddarau gyda'r partion a restrir yn atodiad F – fersiwn lân a fersiwn tracio newidiadau • Datganiad Cyffredinwydd wedi'i ddiweddarau ar gyfer pob SoCG – fersiwn lân a fersiwn tracio newidiadau • dogfennau'r ymgeisydd wedi'u diweddarau – fersiwn lân a fersiwn sy'n dangos newidiadau wedi'u tracio ers y fersiwn ddiwethaf a gyflwynwyd: ○ Canllaw i'r Cais ○ Mynegai Cais Electronig ○ Gorchymyn Cydsyniad Datblygu drafft ○ Memorandwm Esboniadol ○ Datganiad o'r Sefyllfa mewn perthynas â Chydsyniadau a Chytundebau ○ Llyfr Cyfeirio ○ Traciwr Trafodaethau Tir a Hawliau ○ Datganiad o'r Rhesymau ○ Rhestr Trafodaethau a Phwerau a Geisir • unrhyw wybodaeth ychwanegol y gofynnwyd amdani gan yr ExA o dan Reol 17 Rheolau Cynllunio Seilwaith (Gweithdrefn Archwilio) 2010	Dydd Mawrth 21 Ebrill 2026
13.	Amser a neilltuwyd ar gyfer gwrandawiadau (os oes angen) • gwrandawiadau mater penodol (ISH) (os oes angen) • gwrandawriad caffael gorfodol 2 (CAH2) (os oes angen)	Yr wythnos sy'n cychwyn 4 Mai 2026

14.	Cyhoeddi'r canlynol gan yr ExA: • cwestiynau ysgrifenedig ail yr ExA (ExQ2) (os oes angen) • Sylwadau'r ExA ar y dDCO, neu'r rhestr o newidiadau iddo (os oes angen) • Adroddiad ar y Goblygiadau i Safleoedd Ewropeaidd (RIES) ac unrhyw gwestiynau cysylltiedig (os oes angen)	Dydd Mawrth 5 Mai 2026
15.	Dyddiad Cau 6 • sylwadau ar unrhyw gyflwyniadau a dderbyniwyd erbyn Dyddiad Cau 5 • cyflwyniadau ôl-wrandawriad (os oes angen), gan gynnwys crynodebau ysgrifenedig o gyflwyniadau llafar ac unrhyw ddogfennau y gofynnwyd amdanynt gan yr ExA • ymatebion i cwestiynau ysgrifenedig ail yr ExA (ExQ2) • sylwadau'r ExA ar y dDCO, neu'r rhestr o newidiadau iddo (os oes angen) • canllaw terfynol i'r cais (fersiwn lân a fersiwn tracio newidiadau) • Y DCO terfynol sydd i'w gyflwyno gan yr Ymgeisydd yn y templed Offeryn Statudol (OS). (Dylai'r Ymgeisydd ddarparu'r hysbysiad e-bost gan https://publishing.legislation.gov.uk/validation sy'n cadarnhau bod y ddogfen wedi mynd trwy'r broses ddilysu'n llwyddiannus, a'r fersiwn PDF o'r adroddiad dilysu OS a gafwyd o'r ddolen yn yr hysbysiad e-bost. Dylai'r Ymgeisydd hefyd ddarparu fersiwn MS Word lân (gyda'r holl newidiadau a draciwyd wedi'u dileu) ar wahân o'r dDCO, heb bennyn na thudalen glawr.) • memorandwm Esboniadol terfynol wedi'i ddiweddarau (fersiwn lân a fersiwn tracio newidiadau) • datganiad o'r Sefyllfa mewn perthynas â Chydsyniadau a Chytundebau terfynol (fersiwn lân a fersiwn tracio newidiadau) • llyfr Cyfeirio terfynol wedi'i ddiweddarau (fersiwn lân a fersiwn tracio newidiadau) a rhestr newidiadau i'r Llyfr Cyfeirio	Dydd Gwener 29 Mai 2026

	• traciwr Trafodaethau Tir a Hawliau terfynol (fersiwn lân a fersiwn tracio newidiadau) • datganiad o'r Rhesymau terfynol wedi'i ddiweddarau (fersiwn lân a fersiwn tracio newidiadau) • datganiadau Tir Cyffredin terfynol (fersiwn lân a fersiwn tracio newidiadau) • datganiad Cyffredinrwydd SoCGau terfynol (fersiwn lân a fersiwn tracio newidiadau) • rhestr o faterion na chytunwyd arnynt lle na ellid cwblhau SoCG yn derfynol • rhestr Trafodaethau a Phwerau a Geisir terfynol (fersiwn lân a fersiwn tracio newidiadau) • cytundeb Adran 106 terfynol wedi'i lofnodi a'i ddyddio (os oes angen, fersiwn lân a fersiwn tracio newidiadau) • sylwadau ar y RIES • unrhyw wybodaeth ychwanegol y gofynnwyd amdani gan yr ExA o dan Reol 17 Rheolau Cynllunio Seilwaith (Gweithdrefn Archwilio) 2010	
16.	Diwedd yr archwiliad Mae'r ExA yn bwriadu cau'r archwiliad ar y dyddiad hwn. Gweler 'Nodyn ynglŷn â dyddiad cau'r archwiliad'.	Dydd Mawrth 9 Mehefin 2026

Nodyn ynglŷn â dyddiad cau'r archwiliad

Mae'n ddyletswydd ar yr ExA i gwblhau'r archwiliad o'r cais erbyn diwedd y cyfnod o 6 mis sy'n dechrau'r diwrnod ar ôl i'r cyfarfod rhagarweiniol orffen. **Fodd bynnag, fe allai'r ExA benderfynu cau'r archwiliad yn gynharach ac ar y dyddiad a bennir yn yr amserlen os yw'n credu bod y cais a'r materion perthnasol wedi cael eu harchwilio'n ddigonol.**

Amserau cyflwyno ar gyfer dyddiadau cau

Yr amser ar gyfer cyflwyno dogfennau erbyn unrhyw ddyddiad cau yn yr amserlen yw 23:59 ar y dyddiad cau perthnasol, oni chyfarwyddir fel arall gan yr ExA.

Dyddiadau cyhoeddi

Bydd yr holl wybodaeth a dderbynnir yn cael ei chyhoeddi ar [dudalen we'r prosiect](#) cyn gynted ag y bo'n ymarferol ar ôl y dyddiadau cau ar gyfer cyflwyniadau.

Adroddiad ar y Goblygiadau i Safleoedd Ewropeaidd (RIES)

Pan fydd ymgeisydd wedi darparu Adroddiad Dim Effeithiau Arwyddocaol neu Adroddiad Asesiad Rheoliadau Cynefinoedd (HRA) gyda'r cais, fe allai'r ExA benderfynu cyhoeddi RIES yn ystod yr archwiliad. Mae'r RIES yn adroddiad ffeithiol ar y wybodaeth a'r dystiolaeth a ddarparwyd i'r ExA ynglŷn â materion HRA yn ystod yr archwiliad hyd at ddyddiad cyhoeddi'r RIES, er mwyn galluogi'r Ysgrifennydd Gwladol, sef yr awdurdod cymwys, i gynnal ei HRA. Nid yw'n rhoi barn yr ExA am faterion HRA. Bydd yr ExA yn gwahodd sylwadau ar y RIES a bydd unrhyw rai a dderbynnir yn cael eu hystyried yn rhan o argymhelliad yr ExA i'r Ysgrifennydd Gwladol. Fe allai'r ExA hefyd ofyn cwestiynau yn y RIES i gadarnhau neu egluro materion sy'n parhau i fod yn weddill.

Caiff yr Ysgrifennydd Gwladol ddibynnu ar yr ymgynghoriad ar y RIES i fodloni ei rwymedigaethau o dan reoliad 63(3) Rheoliadau Cynefinoedd 2017 a/ neu reoliad 28 y Rheoliadau Morol Alltraeth.

Penderfyniadau gweithdrefnol eraill a wnaed gan yr Awdurdod Archwilio (ExA)

Rwyf wedi gwneud nifer o benderfyniadau gweithdrefnol yn dilyn y cyfarfod rhagarweiniol:

1. Amserlen yr archwiliad

Cysylltodd partïon â buddiant â fi gan ofyn am estyniadau i Ddyddiadau Cau 5 a 6, ac i ohirio trydedd rownd bosibl o wrandawiadau am wythnos hefyd. Cafwyd adolygiad ar y ceisiadau hyn ac maent wedi'u hintegreiddio i'r amserlen.

Ar ôl ceisio lleoliadau i weld y safle, nid wyf wedi derbyn unrhyw geisiadau i gynnal archwiliadau safle o unrhyw leoedd nad ydynt yn hygyrch i'r cyhoedd. Felly, rwy'n cynnig gwneud yr holl archwiliadau safle heb gwmni ac wedi tynnu'r dewis am archwiliad safle gyda chwmni.

2. Datganiadau tir cyffredin (SoCG)

Mae'r ymgeisydd yn arwain y broses o baratoi SoCGau ac, er mwyn helpu i gynnal yr archwiliad yn ddidrafferth, byddai'n ddefnyddiol pe gallai'r holl bartïon â buddiant sy'n ymwneud â pharatoi SoCGau gysylltu a chydweithio â'r ymgeisydd i'w cynhyrchu. Amlinellais yn **atodiad F** fy llythyr [Rheol 6](#) y SoCGau y gofynnaf iddynt gael eu cyflwyno yn ystod yr archwiliad o'r cais hwn, ac ailadroddir y rhain isod. Gofynnir i'r **ymgeisydd** gyflwyno fersiynau terfynol llofnodedig o'r SoCGau a restrir isod erbyn **dyddiad cau 1** (27 Ionawr 2026):

Nod SoCG yw cytuno ar wybodaeth ffeithiol a hysbysu'r ExA a'r holl bartïon eraill trwy amlygu'r meysydd y cytunir ac yr anghytunir arnynt yn gynnar yn ystod y broses archwilio. Fe ddylai ddarparu ffocws ac arbed amser trwy amlygu materion nad ydynt yn destun dadl neu nad oes angen tystiolaeth ychwanegol ynglŷn â nhw. Fe all hefyd ddatgan yn ddefnyddiol ble a pham y gallai fod anghytundeb ynglŷn â dehongli'r wybodaeth a'i pherthnasedd. Oni bai y datgenir neu y cytunir fel arall, fe ddylai'r SoCG gael ei gytuno rhwng yr ymgeisydd a'r parti arall perthnasol â buddiant/ partïon eraill perthnasol â buddiant, a'i gyflwyno **gan yr ymgeisydd**.

Mae'r ExA wedi ystyried y SoCGau a baratowyd hyd yma ac mae'n gofyn i'r partïon canlynol barhau i gysylltu â'r ymgeisydd a diweddarau eu SoCGau yn unol â hynny wrth i'w safbwynt ddatblygu a'r archwiliad fynd rhagddo:

- **Cyngor Sir y Fflint**
- **Cyfoeth Naturiol Cymru**
- **CADW**
- **RSPB**
- **Cymdeithas Naturiaethwyr Glannau Dyfrdwy**
- **Network Rail**
- **National Grid Electricity Transmission**
- **Scottish Power**
- **National Gas Transmission**
- **ENI**
- **Bwrdd Gwarchod Dyfrdwy**
- **Porthladd Mostyn**

- **Liverpool Bay CCS Limited**
- **GTC Infrastructure Limited**

Yn ogystal, mae'r ExA yn gofyn i'r ymgeisydd weithio gyda'r partïon ychwanegol a restrir i ddatblygu SoCGau ar gyfer eu safbwyntiau perthynol:

- **National Highways**
- **Natural England**
- **Airbus (Maes Awyr Penarlâg)**

Ar gyfer pob un o'r meysydd hynny sy'n destun dadl, byddai'n fuddiol pe gallai pob parti amcangyfrif pa mor debygol yw'r anghytundeb o barhau erbyn diwedd yr Archwiliad. Dylid gwneud hyn gan ddefnyddio model goleuadau traffig 'Isel', 'Canolig' ac 'Uchel'. Mae'r ExA yn disgwyl i'r ymgeisydd barhau i weithio gyda'r partïon â buddiant i gwblhau'r SoCGau yn derfynol erbyn **dyddiad cau 6**.

Dylai pob un o'r SoCGau a restrir uchod ymdrin â'r erthyglau a'r gofynion yn y Gorchymyn Cydsyniad Datblygu drafft. Dylai unrhyw barti â buddiant sydd eisiau i erthygl neu ofyniad gael ei aileirio ddarparu'r geiriad a geisir.

Pan na all y partïon gytuno ar SoCG penodol erbyn **dyddiad cau 1**, neu os oes angen i unrhyw safbwynt awdurdod lleol gael ei gymeradwyo ar lefel uwch, gofynnir i'r **ymgeisydd** gyflwyno fersiynau drafft o'r SoCG hwnnw erbyn **dyddiad cau 1**. Yna, dylai safbwynt y partïon perthnasol â buddiant gael ei gadarnhau yn ystod yr archwiliad. Mae'r amserlen archwilio ddrafft yn darparu ar gyfer cyflwyno SoCGau wedi'u diweddarau erbyn dyddiadau cau amrywiol, gan gyflwyno fersiynau terfynol erbyn **dyddiad cau 6**.

Bydd y wybodaeth a gynhwysir mewn SoCGau yn fy helpu i benderfynu a oes angen cynnal unrhyw wrandawiadau mater penodol yn ystod yr archwiliad, ac yn fy ngalluogi i a'r ymgeisydd i hysbysu ynghylch gwrandawiadau o'r fath cyn iddynt ddigwydd.

3. Adroddiadau ar yr effaith leol (LIR)

Adroddiad ysgrifenedig yw LIR sy'n rhoi manylion ynglŷn ag effaith debygol datblygiad arfaethedig ar ardal awdurdod lleol (neu unrhyw ran o'r ardal honno). I gael rhagor o wybodaeth am bwysigrwydd a chynnwys LIRau, gweler nodyn cyngor yr Arolygiaeth Gynllunio [Cyngor i awdurdodau lleol](#).

Gwahoddir awdurdodau lleol, a ddiffinnir yn adran 56A Deddf Cynllunio 2008, i gyflwyno LIRau erbyn **dyddiad cau 2** (dydd Mawrth 10 Chwefror 2026).

4. Newidiadau i fuddiannau tir

Pan fydd yr ymgeisydd yn dod yn ymwybodol bod perchenogaeth tir perthnasol wedi newid neu fod buddiant newydd ynddo, gofynnir iddo roi gwybod i'r unigolyn perthnasol y gall wneud cais i'r ExA i ddod yn barti â buddiant o dan adran 102A Deddf Cynllunio 2008. Dylai roi gwybod i'r unigolyn fod gwybodaeth am sut i wneud hyn ar gael yn nodyn cyngor yr Arolygiaeth Gynllunio ar gyfer y cyhoedd: [Prosiectau Seilwaith o Arwyddocâd Cenedlaethol a'r bobl a'r sefydliadau sy'n ymwneud â'r broses](#).

Mae amserlen yr archwiliad yn cynnwys dyddiadau cau amrywiol ar gyfer cyflwyno llyfr cyfeirio wedi'i ddiweddarau a rhestr o newidiadau i'r llyfr cyfeirio, a ddylai gadarnhau bod unigolion perthnasol wedi cael gwybod am eu hawliau o dan adran 102A.

5. Statws Dogfennau Archwiliad yr Ymgeisydd

Gofynnaf i'r ymgeisydd ddarparu dogfen 'Statws dogfennau archwiliad yr Ymgeisydd' wedi'i diweddarau erbyn pob dyddiad cau, sy'n rhestru statws mwyaf cyfredol y dogfennau a gyflwynwyd, gan gynnwys pa gopiâu a ddisodlwyd yn llwyr neu'n rhannol. Mae'n rhaid cyflwyno fersiwn derfynol cyn diwedd yr archwiliad. Dylai holl ddogfennau'r archwiliad a gyflwynir gynnwys rhif fersiwn a dyddiad.

6. Cyflwyniadau ychwanegol

Yn ogystal â'r dogfennau a gyflwynir erbyn dyddiadau cau gweithdrefnol A a B, rwyf wedi arfer fy nisgresiwn a gwneud penderfyniad gweithdrefnol i dderbyn cyflwyniadau ychwanegol canlynol gan yr ymgeisydd:

- a. Canllaw i'r cais wedi'i ddiweddarau yn dilyn cyngor s51**
- b. Datganiad cyllido wedi'i ddiweddarau yn dilyn cyngor a51**
- c. Hysbysiad newid**

Hysbysiad ynghylch gwrandawiadau a cheisiadau i gymryd rhan

Mae'r Awdurdod Archwilio (ExA) yn hysbysu ynghylch y gwrandawiadau canlynol:

Dyddiad	Gwrandawriad	Dyddiad dechrau	Manylion ymuno
Dydd Mawrth, 17 Mawrth 2026	Gwrandawriad mater penodol 3 ISH3 ynglŷn â Ansawdd Aer, Ecoleg, Amgylchedd Dŵr a Pherygl llifogydd	Cofrestru a seddau ar gael yn y lleoliad o: 09:30 o'r gloch Proses gofrestru rithwir o: 09:45 o'r gloch Gwrandawriad yn dechrau am: 10:00 o'r gloch	Gwesty'r Village - Chester St David's Parc Dewi Sant, Ewloe, Glannau Dyfrdwy CH5 3YB ac yn rhithwir gan ddefnyddio Microsoft Teams Bydd cyfarwyddiadau llawn ar sut i ymuno ar- lein neu dros y ffôn yn cael eu rhoi o flaen llaw i'r rhai sydd wedi rhag- gofrestru
Dydd Mawrth, 17 Mawrth 2026	Gwrandawriad llawr agored 1 OFH1	Cofrestru a seddau ar gael yn y lleoliad o: 15:30 o'r gloch Proses gofrestru rithwir o: 15:45 o'r gloch Gwrandawriad yn dechrau am: 16:00 o'r gloch	Gwesty'r Village - Chester St David's Parc Dewi Sant, Ewloe, Glannau Dyfrdwy CH5 3YB ac yn rhithwir gan ddefnyddio Microsoft Teams Bydd cyfarwyddiadau llawn ar sut i ymuno ar- lein neu dros y ffôn yn cael eu rhoi o flaen llaw i'r rhai sydd wedi rhag- gofrestru

Dyddiad	Gwrandawriad	Dyddiad dechrau	Manylion ymuno
Dydd Mercher, 18 Mawrth 2026	Gwrandawriad mater penodol 4 ISH4 ynglŷn â Tirwedd a Mwynhad Gweledol; a Newid Hinsawdd	Cofrestru a seddau ar gael yn y lleoliad o: 09:30 o'r gloch Proses gofrestru rithwir o: 09:45 o'r gloch Gwrandawriad yn dechrau am: 10:00 o'r gloch	Gwesty'r Village - Chester St David's Parc Dewi Sant, Ewloe, Glannau Dyfrdwy CH5 3YB ac yn rhithwir gan ddefnyddio Microsoft Teams Bydd cyfarwyddiadau llawn ar sut i ymuno ar-lein neu dros y ffôn yn cael eu rhoi o flaen llaw i'r rhai sydd wedi rhag-gofrestru
Dydd Mercher, 18 Mawrth 2026	Gwrandawriad caffael gorfodol 1 CAH1	Cofrestru a seddau ar gael yn y lleoliad o: 13:30 o'r gloch Proses gofrestru rithwir o: 13:45 o'r gloch Gwrandawriad yn dechrau am: 14:00 o'r gloch	Gwesty'r Village - Chester St David's Parc Dewi Sant, Ewloe, Glannau Dyfrdwy CH5 3YB ac yn rhithwir gan ddefnyddio Microsoft Teams Bydd cyfarwyddiadau llawn ar sut i ymuno ar-lein neu dros y ffôn yn cael eu rhoi o flaen llaw i'r rhai sydd wedi rhag-gofrestru
SYLWER: Os na fydd angen unrhyw un o'r gwrandawriadau uchod mwyach, bydd hysbysiad nad oes angen dyddiad penodol mwyach yn cael ei gyhoeddi ar dudalen we'r prosiect cyn gynted ag y bo'n ymarferol, gan roi rhybudd rhesymol i bartïon â buddiant o'r penderfyniad i'w canslo.			

Mae'n rhaid i chi gofrestru trwy lenwi'r [ffurflen cymryd rhan mewn digwyddiad](#) erbyn 10 Mawrth 2026 os ydych yn bwriadu cymryd rhan mewn gwrandawiadau a darparu'r holl wybodaeth y gofynnir amdani (gweler isod).

Os ydych eisiau arsylwi'r gwrandawiadau yn unig, nid oes angen i chi gofrestru oherwydd byddwch yn gallu gwyllo ffrwd fyw o'r digwyddiadau. Bydd dolen i'r ffrwd fyw ar gael ar [dudalen we'r prosiect](#) yn fuan cyn y trefnwyd i'r digwyddiad ddechrau. Byddwch hefyd yn gallu gwyllo recordiad o'r digwyddiadau a fydd yn cael ei gyhoeddi ar [dudalen we'r prosiect](#) yn fuan ar ôl i'r digwyddiadau orffen.

Sylwch, os byddwch yn siarad yn y digwyddiad ar-lein, rydych yn cytuno i gael eich ffilmio at ddibenion y ffrwd fyw ar-lein o'r digwyddiad a'r recordiad o'r digwyddiad a fydd yn cael ei gyhoeddi ar [dudalen we'r prosiect](#). Bydd trawsgrifiad o'r digwyddiad yn cael ei gyhoeddi ar [dudalen we'r prosiect](#) ar ôl y digwyddiad, hefyd.

Mae'n **rhaid** i unrhyw gais i gymryd rhan mewn gwrandawriad **gynnwys** y wybodaeth ganlynol:

- Enw a chyfeirnod unigryw (sydd ar frig unrhyw lythyr neu neges e-bost gan yr Arolygiaeth Gynllunio)
- Cyfeiriad e-bost (os yw ar gael) a rhif ffôn cyswllt
- Enw a chyfeirnod unigryw unrhyw unigolyn/ sefydliad rydych yn ei gynrychioli (os yw'n berthnasol)
- Ar gyfer digwyddiadau cyfunol, cadarnhad ynghylch p'un a fyddwch yn cymryd rhan yn rhithwir neu wyneb yn wyneb
- Cadarnhad o'r gwrandawriad(au) rydych eisiau cymryd rhan ynddo/ ynddynt, yr eitem(au) agenda rydych eisiau sôn amdani/ amdanynt, a/ neu fanylion cryno am y pwnc/ pynciau yr hoffech ei godi/ eu codi
- Ar gyfer gwrandawiadau caffael gorfodol, rhif(au) llain y tir perthnasol a ddarparwyd yn y Llyfr Cyfeirio a'r Cynlluniau Tir
- Cyfeirnod [Llyfrgell yr Archwiliad](#) (gyda rhif y paragraff/ y dudalen lle y bo'n briodol) unrhyw ddogfennau yr hoffech gyfeirio atynt

Dylid gwneud ceisiadau i gymryd rhan gan ddefnyddio'r [ffurflen cymryd rhan mewn digwyddiad](#) ar neu cyn **dyddiad cau 3 (10 Mawrth 2026)**.

Cysylltwch â Thîm yr Achos gan ddefnyddio'r manylion cyswllt ar frig y llythyr hwn os oes arnoch angen unrhyw gymorth i fynychu'r gwrandawiadau, naill ai'n rhithwir neu wyneb yn wyneb.

Agendâu gwrandawiadau

Ar gyfer gwrandawiadau mater penodol a gwrandawiadau caffael gorfodol, bydd yr ExA yn cyhoeddi agenda ddrafft ar [dudalen we'r prosiect](#) o leiaf bum niwrnod gwaith cyn dyddiad y gwrandawriad. Fodd bynnag, fe allai'r union agenda ar ddiwrnod pob gwrandawriad newid yn ôl disgresiwn yr ExA. Mae'n bosibl na fydd agenda'n cael ei chyhoeddi ar gyfer gwrandawiadau llawr agored.

Y weithdrefn mewn gwrandawiadau

Bydd y cais yn cael ei archwilio trwy broses ysgrifenedig yn bennaf a ategir gan wrandawiadau o fathau amrywiol, lle y bo angen. Gweler nodyn cyngor yr Arolygiaeth Gynllunio [Cyngor i aelodau'r cyhoedd: Camau'r broses NSIP a sut gallwch leisio'ch barn](#) i gael rhagor o wybodaeth.

Amlinellir y weithdrefn sydd i'w dilyn mewn gwrandawiadau yn rheol 14 Rheolau Cynllunio Seilwaith (Gweithdrefn Archwilio) 2010. Yr ExA sy'n gyfrifol am holi unigolyn sy'n rhoi tystiolaeth ac nid yw'r broses yn rhoi llawer o gyfle i bartïon holi ei gilydd.

Ffrwd fyw a recordio'r gwrandawriad

Bydd dolen i ffrwd fyw ar gyfer pob gwrandawriad ar gael ar [dudalen we'r prosiect](#) yn fuan cyn y disgwylir i unrhyw wrandawriad agor. Bydd y ffrwd fyw ar gael i unrhyw un sy'n dymuno arsylwi gwrandawriad wrth iddo ddigwydd.

Mae'r holl wrandawiadau'n cael eu recordio, a bydd y recordiadau ar gael ar [dudalen we'r prosiect](#) cyn gynted ag y bo'n ymarferol ar ôl i'r gwrandawriad orffen. Mae'r recordiadau'n caniatáu i unrhyw aelod o'r cyhoedd sydd â diddordeb yn y cais a'r archwiliad gael gwybod beth a drafodwyd.

Y Gymraeg

Rydym yn croesawu cyfraniadau yn Gymraeg yn ystod yr archwiliad. Bydd cyfleusterau cyfieithu ar gael mewn unrhyw wrandawiadau a gynhelir, i ganiatáu i'r rhai sy'n bresennol wneud cyfraniadau yn Gymraeg, os ydynt eisiau.

Dogfennau'r archwiliad

Gellir archwilio dogfennau'r cais a sylwadau perthnasol ar [dudalen we'r prosiect](#).

Sut i gael y wybodaeth ddiweddaraf

Bydd yr holl ddogfennau ychwanegol a gyflwynir yn ystod yr archwiliad yn cael eu cyhoeddi o dan y [tab dogfennau](#) ar [dudalen we'r prosiect](#).

Gallwch hefyd gofrestru i gael [diweddariadau e-bost](#).

Os oes gennych unrhyw gwestiynau am y broses, digwyddiadau'r archwiliad neu sut i gael at y dogfennau, gallwch anfon neges e-bost at connahsquay@planninginspectorate.gov.uk neu gysylltu â ni ar 0303 444 5000.

Llyfrgell yr Archwiliad

Er mwyn hwyluso llywio, cyfeiriwch at [Lyfrgell yr Archwiliad](#) sydd ar gael trwy glicio ar y botwm glas o dan y tab dogfennau. Mae Llyfrgell yr Archwiliad yn cael ei diweddarau'n rheolaidd drwy gydol yr archwiliad.

Mae Llyfrgell yr Archwiliad yn cofnodi ac yn darparu hyperddolen i'r canlynol:

- pob un o ddogfennau'r cais
- pob sylw a chyflwyniad a wnaed i'r archwiliad
- pob penderfyniad gweithdrefnol a wnaed gan yr Awdurdod Archwilio

Rhoddir cyfeirnod unigryw i bob dogfen a fydd yn aros yr un peth drwy gydol yr archwiliad. **Dyfynnwch y cyfeirnod unigryw o Lyfrgell yr Archwiliad pan fyddwch yn cyfeirio at unrhyw rai o ddogfennau'r archwiliad mewn unrhyw gyflwyniadau a wnewch yn y dyfodol.**

Gwybodaeth am y dudalen ‘Lleisio’ch barn’

Mae'r dudalen [‘Lleisio’ch barn’](#) ar gael ar [dudalen we'r prosiect](#).

Bydd angen i chi roi eich cyfeirnod unigryw ('Eich cyf' sydd ar frig eich llythyr neu e-bost oddi wrth yr Arolygiaeth Gynllunio). Os ydych yn gwneud cyflwyniad ar ran unigolyn neu sefydliad arall, ac nid oes gennych eich cyfeirnod unigryw eich hun, dylech roi cyfeirnod unigryw'r unigolyn neu'r sefydliad rydych chi'n ei gynrychioli. Os nad ydych yn barti â buddiant sydd wedi cofrestru, bydd yr Awdurdod Archwilio'n penderfynu p'un ai derbyn eich cyflwyniad ai peidio yn ôl ei ddisgresiwn.

Bydd cyflwyniadau'n cael eu cyhoeddi ar [dudalen we'r prosiect](#) cyn gynted ag y bo'n ymarferol ar ôl i'r dyddiad cau perthnasol fynd heibio. Gweler ein [Hysbysiad Preifatrwydd](#) i gael rhagor o wybodaeth am gyhoeddi cyflwyniadau.

Byddwch yn gallu cyflwyno dogfen (lanlwytho ffeil), gwneud sylw testun, neu'r ddau. Gellir lanlwytho sawl ffeil ar gyfer pob cyflwyniad unigol. Dylai atodiadau electronig gael eu labelu'n glir gyda theitl y pwnc ac ni ddylent fod yn fwy na 50MB.

Mae'n rhaid i gyflwyniadau **beidio â chynnwys hyperddolenni** i ddogfennau/ tystiolaeth a gynhelir ar wefan trydydd parti, er enghraifft adroddiadau technegol, erthyglau yn y cyfryngau ac yn y blaen. Gweler nodyn cyngor yr Arolygiaeth Gynllunio [Cyngor i aelodau'r cyhoedd: Cyngor ar gyflwyno sylwadau](#) i gael gwybodaeth bwysig am wneud cyflwyniadau ysgrifenedig. Mae'n rhaid i'r holl gyflwyniadau fod mewn fformat y gellir ei weld yn llawn ar y wefan Cynllunio Seilwaith Cenedlaethol. Dylid cyflwyno crynodeb hefyd gydag unrhyw gyflwyniadau sy'n fwy na 1500 o eiriau; ni ddylai'r crynodeb hwn fod yn fwy na 10% o'r testun gwreiddiol.

Dylech ddewis y dyddiad cau perthnasol ar gyfer eich cyflwyniad ac yna, ar y dudalen we nesaf, dewis yr eitem briodol i'w chyflwyno, fel y disgrifir yn amserlen yr archwiliad yn **atodiad A** i'r llythyr hwn. Gofalwch eich bod yn gwneud cyflwyniad ar wahân ar gyfer pob eitem i'w chyflwyno a **pheidiwch â dyblygu cyflwyniadau**. Os nad ydych yn credu bod eich cyflwyniad yn cyfateb i'r disgrifiad o unrhyw un o'r eitemau i'w cyflwyno, dewiswch 'Arall' a gwnewch yn siŵr fod ei deitl yn briodol.

Os byddwch yn cael unrhyw broblemau wrth ddefnyddio'r dudalen [‘Lleisio’ch barn’](#), cysylltwch â Thîm yr Achos gan ddefnyddio'r manylion cyswllt ar frig y llythyr hwn a byddant yn eich cynorthwyo.